

ՔԱՂՎԱԾՔ

ՀՀ ԱՐՄԱՎԻՐԻ ՄԱՐԶԻ ԳԵՂԱԿԵՐՏԻ ԳՅՈՒՂԱԿԱՆ ՀԱՄԱՅՆՔԻ ՂԵԿԱՎԱՐԻ
2016Թ-Ի ԱՌԱՋԻՆ ԿԻՍԱՄՅԱԿԻ ԸՆԹԱՑՔՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ
ՆԵՐԿԱՅԱՑՐԱԾ ՀԱՇՎԵՏՎՈՒԹՅԱՆ ԱՐՁԱՆԱԳՐՈՒԹՅՈՒՆԻՑ

Քննարկումը տեղի է ունեցել գյուղապետարանի դահլիճում, որ սկսվել է 2016 թվականի հուլիսի 12-ին ժամը 14⁰⁰-ին:

Քննարկմանը մասնակցել են Արմավիրի մարզպետարանի աշխատակազմի ՏԻ և ՀԾ հարցերի բաժնի պետ Գոռ Հովհաննիսյանը, համայնքի միջնակարգ դպրոցի տնօրենը, բուժ ամբուլատորիայի տնօրենը և աշխատակիցները, ավագանու անդամները, մանկապարտեզի տնօրենը, համայնքի ղեկավարի աշխատակազմի աշխատողները և համայնքի բնակիչներ:

2016 թվականի առաջին կիսամյակի ընթացքում համայնքում կատարվել են ներքոնշյալ աշխատանքները՝

Անցկացվել է Համայնքի ավագանու 7 նիստ, որոնց ժամանակ քննարկվել են համայնքում կարևոր լուծում պահանջող հարցեր, իսկ ավագանու որոշումները փակցված են համայնքում՝ համայնքապետարանի շենքում՝ բնակիչների համար տեսանելի տեղում:

Կազմակերպվել և իրականացվել է ներհամայնքային առուների մաքրման աշխատանքներ, այդ թվում նաև՝ կիսախողովակների:

Կատարվել է դաշտամիջյան ճանապարհների հողալցման և հարթեցման աշխատանքներ նախապատրաստվելով բերքահավաքին:

Խճապատվել են համայնքի մի շարք փողոցներ:

Տեառընդառաջի կապակցությամբ կազմակերպվել է միջոցառում և համայնքի 10 նորապսակ ընտանիքների շնորհավորելու համար յուրաքանչյուր ընտանիքի հատկացվել է 15000 – ական դրամ:

Համայնքում նորմալ սանիտարական վիճակի ապահովման համար շաբաթական երկու անգամ, իսկ կապված էլեյմանիոզի հիվանդությունների կանխարգելման հետ համայնքում շաբաթական երեք անգամ կատարվում են աղբահավաքման աշխատանքներ:

Ժամանակին վճարվել է Գյուղապետարանի և Մանկապարտեզի աշխատողների աշխատավարձը և սոց. վճարները:

Կազմակերպվել է միջոցառում՝ նվիրված կանանց տոնին, ինչպես նաև հատկացվել են նվերներ:

Կանանց միամսյակի շրջանակներում ձեռք է բերվել տոմսեր և ապահովվել է համայնքի շուրջ 250 բնակիչների մասնակցությունը Մարտի 8-ին Արամ Խաչատրյանի անվան համերգարահում կայանալիք համերգին:

Կազմակերպվել է Տեղապանության գոհերի հիշատակի օրվան նվիրված միջոցառում, ինչպես նաև ապահովվել է համայնքի բնակիչների մասնակցությունը ջահերի երթին:

Համայնքի տարածքում կազմակերպվել է շաբաթօրյակ և մաքրվել են կենտրոնական փողոցը և գյուղամիջյան հատվածը:

Համայնքի բյուջեի ֆոնդային մասի միջոցներից հատկացվել է երեք միլիոն հինգ հարյուր յոթ հազար վեց հարյուր դրամ, որն օգտագործվել է համայնքի մանկապարտեզի շենքի վերանորոգման համար:

Համայնքի բյուջեի վարչական մասի միջոցներից հատկացվել է սոցիալական օգնություն՝ համայնքի անապահով բնակիչներին, Արցախյան ազատամարտի մասնակիցներին, Արցախյան ազատամարտում զոհվածների ընտանիքներին, ինչպես նաև Ղարաբաղա-Ադրեջանական հակամարտությանը մասնակցած կամավորների ընտանիքներին՝ ընդամենը չորս միլիոն տասը հազար դրամ:

Կազմակերպվել է միջոցառումներ՝ նվիրված Հայրենական մեծ պատերազմի և Շուշիի ազատագրման տարելիցներին:

Համայնքի տարածքում պատշաճ մակարդակով կազմակերպվել է ամառային զորակոչը:

Ձեռք են առվել միջոցներ սպասվող բերքահավաքը պատշաճ ձևով՝ առանց խոչընդոտների կազմակերպելու և իրականացնելու համար:

Այս ժամանակահատվածում կազմակերպվել է քաղաքացիների ընդունելություններ, պատասխանվել է նրանց բոլոր հարցերին, դիմումներին և տրամադրվել է պահանջվող փաստաթղթերը:

Կիսամյակի կտրվածքով բյուջեի եկամուտները հավաքագրվել և ծախսերը կատարվել են հետևյալ համամասնություններով՝ հարկային եկամուտները՝ հողի հարկ պլան 4200.0հ/դ , փաստացի 3504.9 հ/դ, կատարողական 83.5%, գույքահարկ պլան 2060.0 հ/դ, փաստացի 2332.5 հ/դ, կատարողական 113.1 % , տեղական տուրքեր պլան 140,0 հ/դ, փաստացի 119.2/դ, կատարողական 85.1%, այլ ոչ հարկային եկամուտներ պլան 95.0 հ/դ, փաստացի 158.2 հ/դ, կատարողական 166.5% դոտացիա պլան 22840.3 հ/դ, փաստացի 22781.6հ/դ, կատարողական 100,0%, տարեսկզբի ազատ մնացորդ 13394.3 հ/դ , ընդամենը եկամուտներ՝ պլան 42729.6 հ/դ, փաստացի 42290.7 հ/դ, կատարողական 99.0%: **Ծախսեր**՝ Տեղական ինքնակառավարում պլան 12720,0 հ/դ, փաստացի 12124.4 հ/դ, կատարողական 95.3 % , սոց. օգնություն պլան 4100,0 հ/դ, փաստացի 4010.0 հ/դ, կատարողական 97.8%, մշակույթ, սպորտ և կրոն պլան 1280,0 հ/դ, փաստացի 1250,0 հ/դ, կատարողական 97.6%, սան մաքրում պլան 1240,0հ/դ, փաստացի 1240.0հ/դ, կատարողական 100,0%, կրթություն և գիտություն պլան 5800.0 հ/դ, փաստացի 5195.2հ/դ, կատարողական 89.6%, ընդհանուր բնույթի հանրային ծառայություններ պլան 500.0հ/դ, փաստացի 30.0հ/դ , կատարողական 6.0% , ֆոնդային բյուջե - պլան13394.3 հ/դ, փաստացի 3507,6 կատարողական 26,2%: Ընդամենը ծախսեր պլան 39034,3 հ/դ, փաստացի 27357,2 հ/դ, կատարողական 70,1%:

Տեղի ունեցավ քննարկում, որի ժամանակ բարձրացվեցին հետևյալ հիմնախնդիրները՝

Համայնքում առկա խնդիրներն են

Հիմնովին վերանորոգման կարիք ունի Մշակույթի տան երկրորդ և երրորդ հարկերն ու տանիքը:

Անմխիթար վիճակում է գտնվում խմելու ջրի ցանցը՝ ջրատար խողովակները ամբողջությամբ վնասված են:

Անհրաժեշտ է ավարտին հասցնել գյուղի մնացած փողոցների խճապատումը:

Պետք է շարունակվի ու ավարտին հասցվի դպրոցի ներքին հարդարման աշխատանքները:


Հիմնովին վերանորոգման կարիք ունի գյուղի Ծանրամարտի մարզադպրոցը:

Կարևոր նշանակություն ունի համայնքի Բուժ ամբուլատորիայի համար շտապ օգնության մեքենայի առկայությունը, քանի որ այն սպասարկում է 4 համայնք:

Անմխիթար վիճակում է գտնվում համայնքը սնուցող էլեկտրական ցանցը, անջատումներն տեղի են ունենում շատ հաճախակի կապված լարերի անպիտանիության հետ:

Գեղակերտ համայնքի ղեկավար

12.07.2016թ



Ս. Առաքելյան